

宋六十一名家詞



宋八十一名家詞

已集

明·毛子晉輯



第一輯
第五十種

據汲古閣刊本排印
貝葉山房張氏藏版



3 0610 4725 8

本書封面題簽：盧冀野先生

平齋詞一卷

洪咨夔

833.151

781

2:6

平齋詞

目錄

沁園春四調
漢宮春一調
天香一調
更漏子一調
點絳脣一調
菩薩蠻一調
臨江仙一調
南鄉子一調
卜算子二調

風流子一調
夏初臨一調
水調歌頭二調
好事近一調
西江月一調
鷓鴣天一調
南鄉子一調
祝英臺近一調
柳梢青二調

賀新郎四調
滿江紅二調
念奴嬌二調
朝中措三調
浣溪沙四調
蝶戀花一調
眼兒嬌二調
鷓鴣天二調

平齋詞目錄終

平齋詞目錄

44715

平齋詞

宋 洪咨夔

沁園春（壽俞紫微）

詩不云乎。蒹葭蒼蒼。白露爲霜。看高山喬木。青雲老幹。英華滋液。亦斂而藏。匠石操斤。便游林下一舉探之充棟梁。須知道。是天將大任。翁處還張。薇郎玉佩丁當。問何事。午橋花竹莊。又星回歲換。臘殘春淺。錦薰籠紫。栗玉杯黃。喚起東風。吹醒宿酒。把甲子從頭重數將。明朝去。趁傳柑宴近。滿袖天香。

又（次黃宰韻）

歸去來兮。杜宇聲聲。道不如歸。正新煙百五。雨留酒病。落紅一尺。風妒花期。睡起綠窗。銷殘香篆。手板檣頭還倒持。無人解。自追遊仙夢。作送春詩。風流不似年時。把別墅江山供弈棋。空一川芳草。半池晴絮。歌翻長恨。賦續懷離。桃葉渡頭。沈香亭北。往事悠悠難重思。徘徊處。看鳴鳩喚婦。乳燕將兒。

又（壽淮東制置）

飲馬咸池。攬轡崑崙。橫騫九州。慶中興機會。天生山甫。非常事業。天授留侯。左搏龍蛇。右馴虎兕。萬里中原談笑收。功名早。使貂蟬獵獵。飛出兜牟。新毗無限歡謳。盡賣劍賣刀歸買牛。正

麥搖薰吹。黃迷斷壘。秋涵朝雨。綠徧平疇。眼底太平。不圖再見。羅拜焚香青海頭。從今去。願君王萬歲。元帥千秋。

又（用周潛夫韻）

秋氣悲哉。薄寒中人。皇皇何之。更黃花吹雨。蒼苔滑屐。闌空鬪鴨。牀老支龜。靜事蛩音。明邊眉睫。蹴踏星河天脫鞵。清談久。頓兩忘妍醜。嫺嫺西施。濂溪家住江湄。愛出水芙蓉清絕姿。好光風霽月。一團和氣。戶居龍見。神動天隨。著察工夫。誠存體段。個裏語言文字非。君家事。莫空將太極。散打圖碑。

風流子（和楊帥芍藥）

錦幄醉荼蘼。狻猊暖銀蒜。壓煙霏。正韓范安邊。歐蘇領客。紅芳庭院。綠蔭窗扉。看句挽春春肯住。更判羽觴揮金。繫花腰。玉勻人面。嬌慵無力。姪姪相倚。繁華都飽。幾背油幕。好與遮護晴暉。寄語東君。莫教一片輕飛。向溫馨深處。留歡卜夜。月移花影。露裊人衣。只恐明朝。西垣有詔催歸。

賀新郎（壽成都孫宰）

露洗秋光透。指岷峨無邊峭碧。與君爲壽。萬里同隨琴鶴到。只願人情長久。儘頭白眼青如舊。從吏功名三尺劍。倚函關風雨蛟龍吼。談笑取。印如斗。從今盡展眉峯皺。看諸郎翩翩黃甲。

班班藍綬。一簇孫枝扶膝下。翠竹碧梧爭秀。便嘉慶圖中都有。花影婆娑清晝永。護新涼更著。絲簧手。歡未盡。賸添酒。

又（壽程於浩）

風□簾花約。玉壺天芙蕖欲蓋。質簪初掣。宿鶴收陰晴色定。一點明星碧落。光拍滿浮谿峯嶸。銀櫛鐵冠風物古。更秧青麥熟。蠶登箔。謹取酒爲君酌。華堂繡袞。今如昨。長官清水。晶燈照。珊瑚鉤。琢富貴功名。知有樣。晨起一聲簷鵲。使好趁六更宮鑰。龍尾朝回。長燕喜。寶香深醉。引萊衣著。吹紫鳳。舞黃鶴。

又（詠梅用甄龍友韻）

放了孤山鶴。向西湖問訊水邊。嫩寒離落。試粉盈盈微見面。一點芳心先著。正日暮煙輕雲薄。欲攪清香和月嚙。倩馮夷爲洗黃金杓。花向我。勸多酌。單于吹徹今成昨。未甘渠琢玉爲堂。把春留卻。倚徧黃昏闌十二。知被兒曹先覺。更笑殺盧仝赤腳。但得東風先在手。管綠陰好踐。青青約。方寸事。兩眉角。

又

誰識昂昂鶴。且隨綠剩水殘山。東村西落。世事幾番新局面。看底卻高三著。況轉首西山日薄。雪意壓簷梅索笑。任柄長柄短鄰家杓。筠小甕。動孤酌。見花憶得年時昨。正微醺獨步黃昏。

被花迷卻。冷月吹香弄影。幺鳳梢頭先覺。恍夢斷羅浮山脚。欲寄心期無驛使。想淩寒不奈腰肢約。空凭暖。畫闌角。

漢宮春（老人慶七十）

南極仙翁。占太微元蓋。洞府爲家。身騎若木倒景。手弄青霞。芙蓉飛旆。映一川新綠平沙。好與問東風結子。幾回開徧桃花。況是初元玉曆。更循環數起。希有年華。長把清明夜氣。養就丹砂。麻姑送酒。安期生遺棗如瓜。歡醉後。呼兒烹試。頭網小鳳團茶。

夏初臨

鐵甕栽荷。銅彝種菊。膽瓶萱草榴花。庭戶深沈。畫閣低映窗紗。數枝奇石餗餗。染宣和瑞露明霞。霞於菟長嘯。風林□□霜草先斜。雪絲香裏冰粉光中。興來進酒。睡起分茶。輕雷急雨。銀篴迸插簷牙。涼入琵琶。枕幃開又送蟾華。問生涯。山林朝市。取次人家。

滿江紅

送雨迎晴。花事過一庭芳草。簾影動歸來雙燕。似悲還笑。笑我不知人意變。悲人空爲韶華老。滿天涯。都是別離愁。無人掃。海棠晚。荼蘼早。飛絮急。青梅小。把風流醞藉。向誰傾倒。秋水盈盈魂夢遠。春雲漠漠音期悄。最關情。鴨鵝一聲催。窗紗曉。

又（老人遊東山追和俞貳卿詞謹用韻）

把酒西風。渾莫問、主賓誰惡。千古事、幾人遇合。幾人流落。肝膽輪囷溟渤小。精神浩蕩蓬萊薄。望拒霜、紅處是東山。長如昨。蒼苔跡、何曾削。黃葉夢、何難覺。等春雲出岫。秋波歸壑。老子婆娑風度遠。佳人縹緲腰肢約。況登高、節過又登高。須多酌。（閏九月）

天香（壽朱尚書）

雲母屏開。博山爐熨。人間南極星現。酥篆千秋。燈圖百子。酒浪花光照面。堂深戲綵。任父老兒童爭勸。耆艾相將潞國。精明恰如清獻。春風飄香合殿。仗雲齊漏。運宮箭。正好簪荷人侍。帕柑傳宴。日月華蟲舊約。便與試胸中五紋線。壽域長開。洪鈞長轉。

水調歌頭（送曹侍郎歸永嘉）

四海止齋老。百世水心翁。都將不盡事業。付與道俱東。氣脈中庸大學。體統采薇天保。幾疏柘袍紅。千仞倚寥碧。一點駕歸鴻。扈江籬。貫薜荔。製芙蓉。午橋綠野深處。心與境俱融。搏控乾坤龍馬。簸弄坎離日月。蒼髮映方瞳。只恐又催詔。飛度橘花風。

又（中夏望前一夕步月）

如此好明月。梅裏自來無。炎雲溽霧收盡。宇宙一冰壺。淺瀨乍分隨合。清影欲連還斷。混樣玉浮圖。風物庾樓似。秋思欠菰蒲。醉魂醒。塵骨換。我非吾。瓊簫紫鳳何許。風露足清都。君看流光多處。縹緲澌人立。白與藕花俱。只恐姮娥妬。涼透粟生膚。

念奴嬌（老人用僧仲殊韻詠荷花橫披謹和）

香山老矣。正商量不下。去留蠻素。獨立躊躇腸欲斷。一段若耶溪女。水底新妝。空中香袖。斜日疏風浦。向人欲語。垂楊清蔭多處。便好花裏喚船。碧簫白酒。微吸荷心苦。佳月一鉤。天四碧。隱約明波橫注。雪藕逢絲。碧蓮見薏。枕簟涼如雨。一雙宿鷺。伴人永夜翹佇。

又（敬借老人燈韻爲壽）

光風霽月。信行窩到處。人間天上一笑喚回新造化。滿眼翠舒紅放。腦後功名。脚跟富貴。夢斷春旗仗。幅巾蕭散。任他蟻蠶龍象。正是楊柳初眠。海棠半睡。錦繡天開障。鶴骨松筋。年望八。得醉不妨瀾浪。節過燒燈。時催修禊。迎面韶華蕩。宗文扶著。問翁馬有何向。

更漏子（次黃宰夜聞桂香）

眼生花。燈綴粟。人在黃金列屋。金縷細。道冠明。膽瓶涼意生。緩歌絃。停酒罍。待得香風吹下。斜月轉。斷雲回。風流不讓梅。

好事情（次曹提管春行）

二十四番風。纔見一番花鳥。已自有人春瘦。正遠山橫峭。踏青底用十分晴。半陰晴方好。深院日長睡起。又海棠開了。

朝中措（送同官滿歸）

荷花香裏藕絲風。人在水晶宮。天上橋成喜鵲，雲邊帆認歸鴻。去天尺五城南杜，趣對拓袍紅。若問安邊長策，莫須浪說和戎。

又（次楊仲禹韻）

翠盆紅藥護觥籌。風物似揚州。春事一聲杜宇，人生能幾狐裘。有山可買，有書可讀，不願封留。一任東風輦路，羣公蒼佩鳴璫。

又（壽章君舉）

滂葩七十二灘春。鍾瑞石麒麟。流水行雲才思，光風霽月精神。金蕉進酒，斑衣起舞，喜氣津津。羣玉峯頭環珮，紫薇花底絲綸。

點絳脣（次張伯修韻）

花事無多，笙歌綰取東風住。玉麟雕俎，樓外更籌屢。醉喚驪駒，催上天梯去。君知否，半邊銅虎，鄧艾經行路。

西江月（壽章叔厚）

庭下宜男萱草，牆頭結子榴花。非煙非霧富平家。人物風流如畫。寶月曾修玉斧，銀河欲泛仙槎。美人睡起綠雲斜。一笑扶將壽斝。

浣溪沙（壽于有）

蒼鶴飛來水竹幽。初弦涼月一簾秋。木犀花底試新篴。鳳硃硯供無盡藏。龍飛榜占最高頭。慈闈洗眼看封侯。

又（用吳叔永韻）

細雨斜風寂寞秋。黃花壓鬢替人羞。□□□□負簪篸。燕子樓寒迷楚夢。鳳凰池暖愜秦謳。暮雲凝碧可禁愁。

又（壽蔡千及）

小雨輕霜作嫩寒。蠟梅開盡菊花乾。清香收拾貯詩肝。文武兩魁前樣在。功名四諫後來看。麻姑進酒斗闌干。

又

六曲屏山似去年。雪花欺得怕□寒。小窗和月照無眠。筆點輕澌心欲折。燭搖斜吹淚空煎。伴人梅影更堪憐。

菩薩蠻（和子有韻）

翠翹花艾年時昨。鬪新五采同心索。含笑祝千秋。長眉如莫愁。流光旋磨蟻。換調重拈起。深院竹和絲。顰紅裁舞衣。

鷓鴣天（爲老人壽）

天理從來屈有信。東風到處物皆春。門前驄馬權奇種。臺上慈烏反哺心。花鳥展。柳湖尊。好將長健傲長貧。諸孫認取翁翁意。插架詩書不負人。

蝶戀花

畫斛黃花寒更好。人愛花繁。卻被花催老。舊恨新愁誰醞造。帶圍暗減知多少。開眼萬般渾是惱。只仗微醺。假寐寬懷抱。隔屋愁眉春思早。數聲啼破池塘草。

臨江仙

萬紫千紅鬢上粉。聚成一撮精神。宣和宮樣太清真。韶風搖斗帳。芳露溼綸巾。消得流鶯花底滑。一聲驚起梁塵。扶將芍藥牡丹春。光浮金盞面。香到玉池津。

南鄉子

（向刻作行香子誤。或作賀方回）

風雨過芳晨。多少愁紅恨紫塵。兩點眉尖凝遠碧。紛紛。又被楊花誤一春。金鳳壓嬌雲。睡起紗窗背欠伸。心事欲言言不盡。沈沈。乳燕雛鶯觸撥人。

眼兒媚

△平沙芳草渡頭村。綠徧去年痕。遊絲下上。流鶯來往。無限銷魂。綺窗深靜人歸晚。金鴨水沈溫。海棠影下。子規聲裏。立盡黃昏。

又（寄錢德成）

花光燈影浸簾櫳。蓬島現仙翁。瑤裾織翠，詩暈點碧，酒臉潮紅。寶郎陰德知多少，萬卷奏新功。前庭梧竹，後園桃李，無限春風。

南鄉子（德濟舟中和老人韻）

霜月冷婷婷。夾岸蘆花雪點成。短艇水晶宮裏繫，閒情。誰道芙蓉更有成。阿鵲數歸程。人倚

祝英臺近（爲老人壽）

臉長紅。眉半白。老鶴鮑風露。歲換星移，祿運又交午。須知命帶將夾福，推不去，穩做箇榮華彭祖。記初度，謝他紫燕黃鸝，爭先送好語。春滿湖山，歷歷舊遊處。管教柳外行廚，花邊步履，長占斷好晴奇雨。

謁金門（壽夢祥）

春正美。滿眼萬紅千紫。收拾羣香歸甕蟻。長年花信裏。深院簾櫳如水。雙燕呢喃芳壘。睡碧輕衫人送喜。梅梢新結子。

又（九日）

開笑口。又是茱萸重九。好水佳山長似舊。健如黃犢走。菊蕊嶢嶢如豆。風雨輕寒初透。簷外鵲聲誰送酒。莫閑金盞手。

卜算子

簸弄柳梢春。呼吸花心露。倦粉嬌黃扇底風。盡向眉心度。
喚醒海棠紋。約住櫻桃素。上到瑤臺最上層。共跨青鸞去。（後句夢中得）

又

芍藥打團紅。萱草成窩綠。簾捲疏風燕子歸。依舊盧仝屋。
貧放麴生疏。閑到青奴熟。掃地焚香伴老仙人勝連環玉。

柳梢青（老人生日）

野服綸巾。白鬚紅頰。無限陽春。二滿三平。麤衣淡飯。鐘鼎山林。
尊前喜風輪困。道蠶麥分朝甲申。天放新晴。人占一飽。老子寬心。

平齋詞終

平齋詞跋

舜俞於潛人。其功烈載在史冊。如毀鄧艾祠。更祠諸葛武侯。告其民曰。毋事仇讎而忘父母。尤爲當時稱歎。迨卒時。御筆批其鯁亮忠愍。今抄所著兩漢詔暨詩文行世。樓大防又極賞大治賦一篇。予恨未見全集。其詩餘四十有奇。多送行獻壽之作。無判花嗜酒之篇。昔人謂王岐公文多富貴氣。余于舜俞之詞亦云。湖南毛晉識。